



AVOKATI I POPULLIT  
Nr. 122 Prot.  
Datë 20.03.2017

ALBANIAN INSTITUTE  
of SCIENCE



## MARRËVESHJE BASHKËPUNIMI

### Për institucionalizimin e marrëdhënieve ndërmjet institucionit të Avokatit të Popullit dhe Institutit Shqiptar të Shkencave

Me qëllim që të realizojnë një veprimitari të përbashkët në respektimin, garantimin, forcimin dhe avancimin e mbrojtjes së të drejtave të njeriu në Shqipëri; që të rrisin bashkëpunimin në drejtim të forcimit të zbatimit të legjislacionit, politikave të reja në fushën e rritjes së cilësisë së shërbimeve, për të ndaluar e parandaluar rastet e veprimitarisë arbitrale nga organet e administratës publike, si dhe për të kërkuar ndërhyrjen pozitive të shtetit sa herë që paraqitet nevoja për ndalimin e dhunës, diskriminimit apo paragjykimit, lidhet kjo marrëveshje ndërmjet palëve:

**Institucioni i Avokatit të Popullit**, përfaqësuar nga z. Igli Totozani, me seli në Blv. "Zhan D'Ark", Nr.2 - Tiranë dhe  
**Instituti Shqiptar i Shkencave**, organizatë joqeveritare, Registruar në Gjykatën e Rrethit Gjyqësor Tiranë me Vendim Nr. 3048, Datë 28. 03. 2011, me adresë: Rr. "Asim Vokshi", Pallati 13/25 Kati 3, Tiranë, përfaqësuar nga znj. Aranita Brahaj në cilësinë e Drejtorit Ekzekutiv të Organizatës.

#### Neni 1 Objekti i Marrëveshjes

Kjo marrëveshje ka për qëllim, institucionalizimin e bashkëpunimit të institucionit të Avokatit të Popullit me Institutin Shqiptar të Shkencave, në kuadrin e punës së përbashkët dhe garantimit të realizimit të misioneve të përbashkëta vëzhguese në Institucionë Publike, veçanërisht për sektorët Shëndetësi dhe Arsim, zhvillimit të politikave dhe ligjeve në favor të transparencës, pjesëmarrjes qytetare dhe antikorruptionit, luftës për eleminimin e diskriminimit për shkak të moshës, statusit, gjinisë, fesë, si dhe për avancimin e të drejtave të qytetarëve në Shqipëri, përfshirë ndër të tjera edhe avancimin e barazisë gjinore dhe pjesëmarrjes së grave në vendimmarrje, të minoriteteve, të grupeve me nevoja të veçanta dhe të të drejtave të njeriut në përgjithësi.

**Neni 2**  
**Fusha e zbatimit**

1. Marrëveshja do të zbatohet midis palëve të lartëpërmendura, në fushën e kësaj marrëveshje për të përbashkët objektin e saj.
2. Kjo marrëveshje do të konsistojë në:
  - a) Ndërmarrjen e nismave të përbashkëta për propozime në kuadër të përmirësimit dhe ndryshimit të legjislativës me fokus transparencë, pjesëmarrje qytetare, antikorrasjon dhe antidiskriminim, të drejtë dhe liri të kategorive të ndryshme sociale, në përputhje me Kushtetutën e Republikës së Shqipërisë dhe Konventat e ratifikuar nga shteti Shqiptar.
  - b) Referimin e rasteve konkrete, sipas nevojave të ankuesit/es, përfshirë edhe referimin e rasteve të ndërsjellëtë midis Institutit Shqiptar të Shkencave dhe institucionit të Avokatit të Popullit.
  - c) Marrjen e iniciativave të përbashkëta për adresimin, referimin dhe zgjidhjen e rasteve konkrete, pranë organeve kompetente e gjykatave kombëtare, gjykatës Kushtetuese, si dhe organeve përkatëse ndërkombëtare.
  - d) Angazhimin e organizatës për të informuar Avokatin e Popullit për çështjet dhe problematikat, si dhe përgjithësimet e dala nga raportet monitoruese, në lidhje me çështjet e kufizimit të të drejtave si pasojë e praktikave korruptive në sektorë të ndryshëm të civil kryesishët Shëndetësi dhe Arsimit.
  - e) Shkëmbimin e regjullt të informacionit nëpërmjet organizimit të takimeve periodike, shkëmbimit të informacionit, vizitave të përbashkëta në terren, njoftimeve reciproke për raste të ndryshme që kanë nevojë për ndërrhyrje dhe mbështetje.
  - f) Organizimin e aktivitetave të përbashkëta ndërgjegjësuese në nivel kombëtar, përfshirë edhe organizimin e fushatave të përbashkëta për ndërgjegjësimin e publikut.

**Neni 3**  
**Koordinimi ndërmjet palëve**

1. Palët do të caktojnë një person kontakti, që do të jetë përgjegjës për zbatimin konkret dhe në rrugë operacionale të Marrëveshjes së Bashkëpunimit, si dhe për shkëmbimin e informacionit lidhur me të.

2. Komunikimi ndërmjet palëve do të jetë në formë shkresore. Për rastet kur palët kërkojnë një informacion të rëndësishëm dhe urgjent për t'u përcjellë, komunikimi mund të bëhet dhe në mënyrë elektronike dhe verbale, por në çdo rast përmes personave të kontaktit.

**NENI 4**  
**Dispozitat e fundit**

1. Kjo Marrëveshje do të hyjë në fuqi në datën e nënshkrimit nga palët dhe do të mbetet në fuqi për një periudhë të pacaktuar.
2. Ndryshimet mund të bëhen me marrëveshje nga Palët nëpërmjet shkëmbimit të komunikimit me shkrim duke saktësuar datën e hyrjes në fuqi.
3. Çdo mosmarrëveshje krijuar mbi interpretimin ose ekzekutimin e kësaj Marrëveshjeje do të zgjidhet me mirëkuptim midis palëve.
4. Përveç parashikimit të paragrafit 1 të këtij nenit, kjo Marrëveshje mund të përfundojë në çdo kohë nga seicila palë, duke njoftuar paraprakisht 60 ditë para me shkrim, palën tjeter.
5. Marrëveshja hartohej në gjuhën shqipe dhe nënshkruhet në 2 (dy) kopje origjinale, njëra për Institutin Shqiptar të Shkencave dhe tjera për institucionin e Avokatit të Popullit.

Për Institutacionin e Avokatit të Popullit



Igli Totozani

Tiranë 20 Mars 2017

Për Institutin Shqiptar të Shkencave

Aranita Brahaj

